



*Kamis, 05 September 2024*

**Ogen: Kejadin 27:5-7**



**Metinggel**



Cuping guna erpemege. Kai si begiken e mereken ngaruh ku bas perukuren bage pe perbahanen. Selaku sekalak nande Ribka mereken cupingna guna megiken ranan se isi jabuna. Terkusus wari enda alu la sengaja ibegi Ribka me ranan Isak man Esau. Sura-sura Isak guna masu-masu Esau. Sope si e arus isikapken Esau lebe pangan si idatkenna arah dahinna erburu nari. Arah kai si begiken Ribka enda mereken reaksi guna ngelebei perbahanen Esau. I bas paksa e Isak enggo kurang pengidahna, e maka iturikenna man Jakub kai si ndube enggo ibegina e janah nuruh Jakub guna ngelakoken kai si lit i bas pusuh Ribka. Arah turi-turin enda teridah maka Ribka jelmana metinggal. Labo situhuna ia teman Isak ngerana, tapi kai sini belasken Isak ibegina. Teptep ranan e idengkehken alu payo aminna pedauh-dauh.

Megiken ranan alu payo erbahanca ndatken berita entah pesan arah ranan si nibelasken kalak sideban. Kalak metinggal fokus entah konsentrasi megiken kai si nibelasken. Labo erjanah-janah si banci erbahanca berita si begikenna e jadi lanai payo. Umpamana adi erjanah-janah i bas megiken banci erbahanca bola nina si ngerana tapi ibegina balon. Memang labo payo kai si lakoken Ribka, tapi bas sisi sideban perlu me metinggal. I tengah-tengah jabu kita selaku ndehara bage pe nande, iarapken makeken cupingta alu mehuli. Melala si man beginken subuk sora pusuh perbulangen, bage pe anak. I bas si enda iperlukan konsentrasi ranan si belaskenna e sidatken antusenna janah igejapkenna pe maka lit inganna nuri-nuri. Si perdiatken situasi genduari enterem nande si la mereken dirina guna ingan nuri-nuri anak ras perbulangenna, e maka ku ingan sideban me ia nuri-nuri. Alu alasen kesibuken piah dungna lanai sibetehen isi pusuh entah pe sura-sura.

*Nande ingan nuri-nuri, begikenlah sora pusuh isi jabu*